



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

27.10.2022

257-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Jinoiy odil sudlov fakulteti 4-kurs talabasi Jamolov Zafarjon Yigitali o'g'li hamda Xalqaro huquq va qiyosiy huquqshunoslik fakulteti 4-kurs talabalari Ismatullayeva Maftuna Maqsud qizi va Mamasoliyeva Shaxrizoda Akbarjon qizi o'rnatilgan tartib qoidalarga zid ravishda tungi vaqtda soat 00:10 larda 3-son Talabalar turar joyida istiqomat qiladigan talabalar hamda TTJ atrof hududlarida istiqomat qiladigan fuqarolarning osoyishtaligi va normal dam olishiga halaqit bergan, ya'ni TTJ hovlisida baland ovoz bilan baqirib, ovoz kuchaytiruvchi moslama orqali qo'shiq qo'yib, shovqin chiqargan.

Bundan tashqari, Z.Jamolov shaxsiy avtotransport vositasini TTJ hovlisiga olib kirib, avtotransport vositasiga ruxsatsiz o'rnatilgan maxsus tovushli ishoralar beruvchi moslama "sirena" yordamida shovqin chiqarib talabalar va fuqarolarning tinchligini buzgan.

Shuningdek, M.Ismatullayevaning tug'ilgan kunini nishonlashni yonuvchi shamlar, salyut (хлопушка)lar va ovoz kuchaytiruvchi qurilmalarni olib kelish va topishda Z.Jamolov va Sh.Mamasoliyevalar oldindan kelishib harakatlarni amalga oshirgan.

Z.Jamolov tug'ilgan kuni bo'layotgan M.Ismatullayevani ko'pchilikni oldida quchoqlab, yuzidan o'pib, ishqiy munosabatlarini jamoat oldida namoyon qilgan.

Ushbu holatlar o'z navbatida talabalar va fuqarolarning e'tirozlariga sabab bo'lgan.

Talabalar bu harakatlari bilan universitetning ishchanlik obro'siga, qadr-

qimmatini va nufuziga, ta'lim va tarbiya jarayonining ma'naviy buzilishiga olib keladigan holatlarni sodir etgan.

Talabalar mazkur harakatlari bilan Universitet Odob-axloq kodeksi 14-moddasining ikkinchi xatboshisi (o'z harakatlarini Universitet manfaatlarini ko'zlab amalga oshirish, uning imijini saqlash va oshirish, Universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda hamda ijtimoiy tarmoq yozishmalarida o'zlarining namunali xulq-atvori bilan Universitet haqida yuksak ijobiy taassurot uyg'otish) hamda 16-moddasining beshinchi xatboshisi (universitetga moddiy va uning ishchanlik obro'siga salbiy ta'sir etuvchi ma'naviy zarar yetkazish) talabalarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksi 14-moddasining ikkinchi xatboshisi, 16-moddasining beshinchi xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga asosan

### **BUYURAMAN:**

1.Universitet Odob-axloq kodeksi 14-moddasining ikkinchi xatboshisi, 16-moddasining beshinchi xatboshisi talabalarini buzganligi uchun universitetning Jinoiy odil sudlov fakulteti 4-kurs talabasi Jamolov Zafarjon Yigitali o'g'li hamda Xalqaro huquq va qiyosiy huquqshunoslik fakulteti 4-kurs talabalari Ismatullayeva Maftuna Maqsud qizi va Mamasoliyeva Shaxrizoda Akbarjon qiziga hayfsan e'lon qilinsin.

2.Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov):

kelgusida talabalar tomonidan shu kabi holatlar yuzaga kelishining oldini olish maqsadida ushbu buyruq mazmun-mohiyatini talabalarning shaxsini sir saqlagan holda barcha talabalarga yetkazish choralarini ko'rsin;

talabalar bilan universitet sha'ni, qadr-qimmatini va nufuzini tushurmaslik, ijtimoiy tarmoqlarda notog'ri talqin qilinishiga olib keladigan ma'lumotlarni tarqatmaslik yoki shu kabi harakatlarga sababchi bo'lmaslik, universitet etikasi, ijtimoiy tarmoqlardagi yozishmalar etikasiga rioya qilishlari yuzasidan keng tushuntirish va targ'ibot ishlarini tizimli amalga oshirsin.

3.Fakultet dekanlari (D.Umarxanova, D.Kamalova):

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin;

mazkur talabani shaxsiy hujjatlar yig'majildiga buyruq nusxasi tikilishini ta'minlasin.

4.Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**Rektor**



**A.TASHKULOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

D.KAMALOVA



yuriskonsult

D.ALIBOYEV

